

www.BibleForChildren.org

Mateo 8



Guna su nekederuwa ne hewii ketà ne ruen kewingan
diyà te inged ne Kana ne lusud te inged ne Geliliya.
Ne midtelavuk ke iney ni Hisus ketà te kewingan.
Ne ketà dema si Hisus wey ke edumdumaan din su
neinggat dan te edtelavuk ketà te kewingan.




Guna su neamin en ke inumen dan ne binu su kurang pà kandan ne mibeyaan en te iney ni Hisus se egkahi te, "Warà en duma ne binu." Ne migkahi en ke iney ni Hisus dut te minge sugshuen te, "Dumai niyu te misan engkey se idsuhù din."



Ne migkehiyan en ni Hisus ke munge
sugsuhuen te, "Pengipenua niyu ini se
kelalew te wayig," ke sikandin.

Ne mibpengipenù dan en iya rema ke
munge kelalew.



Neipus dan te ebpenekeru ne migkahi en si Hisus te, "Sekilut kew be keninyan te wayig ne ewita niyu en diyà te egkamal te egkeenen." Ne mid-ewit dan en diyà te kandin, ne migeraman din ke wayig ne nevaluy en ne binu.



Warà din metueni ke endei ebpuun ini se binu (ugaid ne ke minge sugshuen ne midsekilut ketà se netau).

Dutun ne midtawag din en ke meama ne ebpengesawa ne migkahi te, "Iyan tew nelayaman ne betasan te embiya ruen kevrunan tew ne iyan tew id-una te ebpeinum ke meupiya ne binu, . . ."



“ . . . ne embiya ve su ebpengevulung dan en ne arà pà
ne ibpeinum ke binu ne mekurangkurang se nanam din.
Ugaid ne sikuna,” ke se
meama “ne ke meupiya
ne binu ne impememewri
nu te ebpehendam su
ini pà ne impelepew nu.”





Ini se mid-ulaula ni Hisus diyà te inged ne Kana,
lusud te inged ne Geliliya, se neuna ne
mekegeyip ne mibeelan din.
Impekita rin ke gehem din,
ne ketà be ne
nekeperetiyaya iya ke
edumdumaan din kandin.




Ne mibpendiyà si Hisus te baley ni
Pedro ne ketà ne nekita rin ke enuhang
ni Pedro ne meritan ne ed-id-irehà su
edetengen.



Ne midampen ni Hisus ke velad din ne neawà en ke rateng din, ne mid-enuw sikandin ne mid-ilutù en te ibpekaan kandan.



Guna su midsanlep en ke endew ne mibpeneheewit en kayi te ki Hisus te munge etew ke langun ne ebpemekedaru, wey ke munge midsuukan te vusew. Ne langun te munge etew ketà te inged ne nevurun kayi te lama te valey ne midtumpaan ni Hisus.



Ne merakel se ebpenderraru ne nengeulian ni Hisus,
ne mibpenegseg din ke munge vusew ne midsuuk dut
te munge etew. Ugaid ne warà din pekegkehiya ke
munge vusew su nekilala ran en ma ke engkey
sikandin.




Ne langun ne minge etew ne migeram midsinagkew ki Hisus su ruen gehem din ne ketà ebpuun te kandin ne ebpekeulì te minge raru dut te langun dan.




Ne gewii te ebpesabut si Hisus dut te Meupiya ne
Tudtul kandan, ne ruen nekeuma ne epat ne etew ne
edyayung te etew ne minatey ke tevi ne lawa rin.




Ugaid ne geina te merakel ne
menge etew ne warà dan
mekeuvey ki Hisus.



Ketà be ne iyan dan mid-ulaula ne
midlekatan dan ke atep ne renged
ni Hisus, ne ketà ne midtuntun
dan en ke ederaru kayi te
ed-irehaan din diyà
te ki Hisus.



Guna su netuenan ni Hisus te rekelà ke sarig dan kandin, ne migkehiyan din en ke minatey se tevì ne lawa rin te, "Mama, nepesehad en ke minge salà nu."
"Mama, enew ke en ne luluna nu ke ikam nu ne uli ke en."




Ketà maa ne mid-untud si Hisus te avang ne miduma ke minge edumdumaan din.

Ne midtekewtekew se mevaher ne keramag ne nekesuhat ketà te ranew ne nelikuvungan en te baleg ini se avang dan. Ugaid ne nekelipereng si Hisus.



Ne migkahi si Hisus te, "Meambe ke nengeandek-andek kew? Kurang kew te sarig kedi!" Ne mid-enew en ne pineengked din en ke keramag wey munge baleg, ne midlengen en ke ranew. Ne neinu ke munge edumdumaan din se egkahi te, "Engkey ini ne etew? Su misan ke keramag wey munge baleg ne ebperumaruma rut te lalag din!"



Su kayi ebpuun te rekelà ne limù te
Eleteala rut te langun ne mengine etew
kayi te ampew te dunya ne warà din
ingkenuhuni ke budtung ne anak
din, . . .

40

60



. . . ugaid ne midsuhù din te ebpatey
riyà te pinebelavag ne kayu su apey
langun te ebperetiyaya kandin ne
kenà edusaan te Eleteala ugaid ne
ebpeketelimà dan te umur
ne warà edtemanan din.

40

60



Ruma 3:23 Su langun ne munge etew ne mekesesalà. Ne warè misan seveka rà ne ebpeketuntul te ibayà te Eleteala, su langun en ne nekesuwey.

Ruma 6:23 Su iyan bayad te kebpekedsalà ne kemetayen ne warà edtemanan din, ugaid ne iyan ibehey te Eleteala rut te munge etew ne mibperetiyaya ki Hisu Kristu ke Kerenan tew ne umur ne warà edtemanan su sabap dut te pengelimuan din ne imbehey rin dà dè duen.

Hibruhanen 9:27 Ne langun tew ne munge etew ne keseveka rà ebpatay, ne an pà ne egkukumen kiyu te Eleteala.



Ipisu 2:8,9 Ne warà duma ne puunan te kebpekeliyu tew te salà tew ketà te kedsarig tew en ki Hisu Kristu ke kenà ke tavang dà dut te Eleteala. Warà ed-ul-ulaan tew ne ebpekegaga te kebpekeliyu tew su imbehey rà dè duen te Eleteala. Tembù be kenà egkepakey ne ruen etew ne ebpendantal te ini se ulaula rin ne iyan ebpekepeliyu kandin.

Ruma 10:9,10 Su embiya ibpayag niyu te mibpesakup kew ki Hisu Kristu ke Kerenan tew wey ebperetiyaya kew nevenar te mibanew sikandin te Eleteala ne ebpekeliyu kew rut te kedusa te Eleteala te salà niyu. Su sabap dut te kedsarig tew ki Hisu Kristu ne iyan kedtengteng te Eleteala keytew ne metidtu riyà te etuvangan din. Ne kayi te ibpayag tew ini diyà te munge ruma tew, ne ebpekeliyu ki rut te kedusa te Eleteala keytew.



Juan 3:16,17 "Su kayi ebpuun te rekelà ne limù te Eleteala rut te langun ne munge etew kayi te ampew te dunya ne warà din ingkenuhuni ke budtung ne anak din, ugaid ne midsuhù din te ebpatay riyà te pinebelavag ne kayu su apey langun te ebperetiyaya kandin ne kenà edusaan te Eleteala ugaid ne ebpeketelimà dan te umur ne warà edtemanan din. Su iyan kinesuhù te Eleteala rut te Anak din kayi te ampew te dunya su apey kenà edusaan ke munge etew, ugaid ne apey ran igkepeliyu."



1 Juan 5:11-13 Su iyan impesabut te Eleteala keyta ne ruen umur ne warà edtemanan din ne imbehey rin keyta, ne imbehey rin ini se umur impepevayà te Anak din ne si Hisus. Dutun ne piya engkey ne mibpekidseveka ki Hisus ke Anak te Eleteala, ruen umur din ne warà edtemanan din. Ugaid ne piya engkey ne warà mebpekidseveka ki Hisus ke Anak te Eleteala, warà umur din ne warà edtemanan din. Langun kayi ne insurat ku keniyu ne mibperetiyaya en dut te Anak te Eleteala su apey mevag-et se kegketueni niyu te ruen en umur niyu ne warà edtemanan din.



Mateo 8-9; Marcos 1-2, 4; Lucas 4, 8; Juan 2

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: E. Frischbutter; Sarah S.

Manobo, Ilianen NT (mbi) © 1989, Wycliffe Bible
Translators, Inc. All rights reserved.

<https://www.bible.com/ur/bible/1310/MAT.1.MBI>

©2026 Bible for Children, Inc.

www.M1914.org

www.bibleforchildren.org

